

Program Derma Darah dan Amal Jariah kali ke-4

oleh: Anita Pedro Alonen

JUMAAT, 14 MAC – Universiti Malaysia Sabah (UMS) dengan kerjasama Perbadanan Baitulmal Negeri Sabah telah menganjurkan Program Derma Darah dan Amal Jariah buat kali ke-4.

Program ini berlangsung selama tiga hari, bermula 12 hingga 14 Mac 2014, bertempat di Masjid UMS daripada jam 9 pagi hingga jam 4.30 petang.

Matlamat program ini dianjurkan untuk menggalakkan orang bukan Muslim datang berkunjung ke Masjid UMS, menurut Ustazah Ainah selaku ketua penyelaras program tersebut.

Jelasnya, terdapat pelbagai aktiviti yang diadakan seperti pemeriksaan kesihatan percuma, cabutan penderma bertuah, pameran, gerai jualan, dan klinik Al Fatihah sebagai satu kaedah menarik pengunjung datang.

Menurutnya lagi, jumlah keseluruhan penderma selama tiga hari program berlangsung adalah, seramai 225 orang penderma. Pada hari ketiga program tersebut, Naib Canselor Prof. Datuk Dr. Mohd. Harun Abdullah berkesempatan melawat di lokasi program diadakan.